

ქ. თბილისის მერია



სატრანსპორტო საშუალებების მოძრაობის სიჩქარის შემცირებისათვის ხელოვნური უსწორმასწორობის (ბარიერი) (თანმდევი მომსახურებით - მონტაჟი) სახელმწიფო შესყიდვის ელექტრონული ტენდერის

---

## სატენდერო დოკუმენტაცია

ქ. თბილისი

## სარჩევი

|                                                             |    |
|-------------------------------------------------------------|----|
| 1. ინსტრუქცია ტენდერში მონაწილეთათვის .....                 | 3  |
| 2. ტექნიკური მოთხოვნები .....                               | 4  |
| 3. სხვა მოთხოვნები .....                                    | 4  |
| 4. ხელშეკრულების უზრუნველყოფის საბანკო გარანტია .....       | 5  |
| 5. დამატებითი ინფორმაცია .....                              | 5  |
| 6. სახელმწიფო შესყიდვის შესახებ ხელშეკრულების პროექტი ..... | 6  |
| 7. დანართი N1, გამოცდილება .....                            | 11 |
| 8. დანართი N2, გარანტიის ფორმა.....                         | 12 |
| 9. დანართი N3, ფასების ცხრილი .....                         | 13 |

## 1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში - ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში, ისინი წარმოდგენილი უნდა იყოს ორიგინალის სახით და მათ უნდა დაერთოს ორიგინალის ნოტარიულად დამოწმებული ქართული თარგმანი (ასლის შემთხვევაში - აპოსტილით დამოწმებული ასლის ნოტარიულად დამოწმებული ქართული თარგმანი).

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

## 2. ტექნიკური მოთხოვნები:

### 2.1 შესყიდვის ობიექტის ტექნიკური პირობები და რაოდენობა:

შესაძენია და დასამონტაჟებელია 4900 (ოთხი ათას ცხრაასი) გრძივი მეტრი ხელოვნური უსწორმასწორობა, რომელიც დამზადებული უნდა იყოს პოლიმერული მასალისაგან და მასზე სატრანსპორტო საშუალებების გადასვლისას არ უნდა იწვევდეს ხმაურს, უნდა იყოს ადვილად დასამონტაჟებელი და უძლებდეს (დეფორმაციას არ უნდა განიცდიდეს) ტემპერატურულ ცვლილებას  $+60^{\circ}$ -დან  $-40^{\circ}$  – მდე.

შეძენილი და დამონტაჟებული უნდა იქნეს შემდეგი რაოდენობისა და ზომის ხელოვნური უსწორმასწორობები:

- 4700 გრძ/მეტრი შუა ნაწილი: სიგრძე – 500 მმ, სიგანე – 400 მმ, სიმაღლე 40 მმ.
- 200 გრძ/მეტრი დაბოლოება: სიგრძე - 200 მმ, სიგანე – 400 მმ, სიმაღლე 40 მმ.

ხელოვნური უსწორმასწორობის ნაწილებს ერთმანეთთან დასაკავშირებლად უნდა გააჩნდეს ე.წ. ჩამკეტები. უსწორმასწორობის მთელ სიგრძეზე უნდა მოხდეს ყვითელი და შავი ფერის ნაწილების მონაცვლეობა და ყოველ ნაწილს ორივე მხრიდან უნდა გააჩნდეს შუქამრეკლები.

საჭიროა ასევე აღებული (დემონტირებული) იქნეს ძველი მწყობრიდან გამოსული 650 გრძივი მეტრის ხელოვნური უსწორმასწორობები (ბორცვები).

ხელოვნური უსწორმასწორობის დასამონტაჟებელი ასევე ძველი მწყობრიდან გამოსულის ადგილები მიმწოდებელს ეცნობება დამატებით პერიოდულად.

დასამონტაჟებლად გამოყენებული უნდა იყოს არანაკლები 120 მმ-ის სიგრძის სპეციალური ჭანჭიკები, რომელიც ჭანჭიკის გასახსნელით ჩახრახნილი უნდა იყოს ასფალტის ფენაში გაკეთებულ ხვრელში ჩამონტაჟებულ პოლიეთილენის მილში.

მიმწოდებელმა ბარიერების დამონტაჟება უნდა დაიწყოს ხელშეკრულების გაფორმებიდან და დაამთავროს 2014 წლის 31 დეკემბერს. ამ ხნის განმავლობაში უნდა უზრუნველყოს ტექნიკური მომსახურება.

ექსპლუატაციის საგარანტიო ვადა არანაკლები 3 წელი.

### 2.2 გამოცდილება:

2.2.1 პრეტენდენტს 2011 წლის 1 იანვრიდან უნდა გააჩნდეს მინიმუმ 100 000 (ასი ათასი) ლარის ღირებულების ანალოგიური საქონლის მიწოდება-მონტაჟის გამოცდილება, რაც დადასტურებული უნდა იყოს შესაბამისი დოკუმენტაციით (ხელშეკრულებ(ებ)ი, მიღება-ჩაბარებ(ებ)ი...).

## 3. სხვა მოთხოვნები

### 3.1 მიწოდების ვადა და ადგილი:

3.1.1 მიწოდების ვადა – საქონლის მიწოდება (თანმდევი მომსახურებით მონტაჟი) განხორციელდება ეტაპობრივად, შემსყიდველის მოთხოვნის შესაბამისად ხელშეკრულების გაფორმებიდან 2014 წლის 31 დეკემბრის ჩათვლით.

3.1.2 მისაწოდებელი საქონლის (თანმდევი მომსახურებით - მონტაჟი) ადგილი, კონკრეტული მოცულობა და მიწოდების კონკრეტული ვადები (გეგმა-გრაფიკი) შემსყიდველის მიერ (წარმოდგენილი ქ. თბილისის მერიის ტრანსპორტის საქალაქო სამსახურის სახით) წინასწარ ეცნობება მიმწოდებელს.

3.1.3 მიწოდების ადგილი – შემსყიდველის მიერ (წარმოდგენილი ქ. თბილისის მერიის ტრანსპორტის საქალაქო სამსახურის სახით) მითითებული ტერიტორია (ადგილი) ქ. თბილისის ფარგლებში.

### **3.2 სატენდერო წინადადების ფასი:**

3.2.1 სატენდერო წინადადებაში ფასი გამოსახული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

3.2.2 სატენდერო წინადადების საერთო და ერთეულის ფასის წარმოდგენა დასაშვებია ლარში.

### **3.3 ანგარიშსწორების პირობები:**

3.3.1 ანგარიშსწორება მოხდება უნაღდო ანგარიშსწორებით ლარში.

3.3.2 ანგარიშსწორება მოხდება 2014 წლის ქ. თბილისის ბიუჯეტის სახსრებით, ეტაპობრივად, მიღება-ჩაბარების აქტის გაფორმებიდან არაუგვიანეს 30 (ოცდაათი) კალენდარული დღის განმავლობაში.

3.3.3 წინასწარი ანგარიშსწორება (ავანსი) არ გამოიყენება.

### **3.4 პრეტენდენტის მიერ ერთიან ელექტრონულ სისტემაში ასატვირთი მონაცემები:**

3.4.1 ფასების ცხრილი დანართი #3-ის მიხედვით.

3.4.2 ინფორმაცია პრეტენდენტის 2011 წლის 1 იანვრიდან მინიმუმ 100 000 (ასი ათასი) ლარის ღირებულების ანალოგიური საქონლის მიწოდება-მონტაჟის გამოცდილების შესახებ (დანართი #1-ის მიხედვით), რაც დადასტურებული იქნება შესაბამისი დოკუმენტაციით (ხელშეკრულებ(ებ)ი, მიღება-ჩაბარების აქტ(ებ)ი).

### **4. ხელშეკრულების უზრუნველყოფის საბანკო გარანტია:**

4.1 იმ შემთხვევაში თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ სისტემაში დაფიქსირებული საბოლოო ფასი 20%-ზე მეტით დაბალია შესაბამისი ტენდერის შესყიდვის ობიექტის სავარაუდო ღირებულებაზე, სახელმწიფო შესყიდვების სააგენტოს თავმჯდომარის 2011 წლის 07 აპრილის N9 ბრძანებით დამტკიცებული წესის 21-ე მუხლის 2<sup>1</sup> პუნქტის საფუძველზე შემსყიდველ ორგანიზაციას უფლება აქვს გამარჯვებულ პრეტენდენტს მოსთხოვოს ხელშეკრულების უზრუნველყოფის საბანკო გარანტია ხელშეკრულების საერთო ღირებულების 2% -დან 10%-მდე ოდენობით, დანართი #2-ის მიხედვით.

4.2 ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული ობიექტის მიწოდების ვადას.

### **5. დამატებითი ინფორმაცია:**

5.1 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

5.2 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, ჟ. შარტავას ქუჩა N7, მე-15 სართული. საკონტაქტო პირი: მერი სულუაშვილი, ტელ: +99532 237 85 68.

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებული პრეტენდენტის სატენდერო წინადადების შესაბამისად, ხელშეკრულების გაფორმების პროცესში.

**ქ. თბილისი**

----- **წელი**

**1. ხელშეკრულების დამდები მხარეები**

ერთის მხრივ ქალაქ თბილისის მერია (შემდგომში – შემსყიდველი), წარმოდგენილი ----- სახით და მეორეს მხრივ ----- (“შემდგომში მიმწოდებელი”), წარმოდგენილი ----- სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

**2. ხელშეკრულების (შესყიდვის) ობიექტი, შესყიდვის საშუალება,  
ხელშეკრულების ღირებულება და ხელშეკრულების მოქმედების ვადა**

2.1 ხელშეკრულების (შესყიდვის) ობიექტია: სატრანსპორტო საშუალებების მოძრაობის სიჩქარის შემცირებისათვის ხელოვნური უსწორმასწორობის (ბარიერი) (თანმდევი მომსახურებით - მონტაჟი) შესყიდვა.

2.2 შესყიდვის საშუალება: ელექტრონული ტენდერი;

2.3 ელექტრონული ტენდერის განცხადების ნომერი -----;

2.4 ხელშეკრულების ღირებულება შეადგენს ----- ლარს, ყველა გადასახადის ჩათვლით;

2.5 კლასიფიკატორის კოდი - 334928000;

2.6 ხელშეკრულება ძალაშია მხარეთა მიერ ხელმოწერიდან ----- -მდე/ჩათვლით.

**3. შესყიდვის ობიექტის მიწოდების პირობები**

3.1 მიწოდების ვადა – საქონლის მიწოდება (თანმდევი მომსახურებით მონტაჟი) განხორციელდება ეტაპობრივად, შემსყიდველის მოთხოვნის შესაბამისად ხელშეკრულების გაფორმებიდან 2014 წლის 31 დეკემბრის ჩათვლით.

3.2 მისაწოდებელი საქონლის (თანმდევი მომსახურებით - მონტაჟი) ადგილი, კონკრეტული მოცულობა და მიწოდების კონკრეტული ვადები (გეგმა-გრაფიკი) შემსყიდველის მიერ (წარმოდგენილი ქ. თბილისის მერიის ტრანსპორტის საქალაქო სამსახურის სახით) წინასწარ ეცნობება მიმწოდებელს.

3.3 მიწოდების ადგილი – შემსყიდველის მიერ (წარმოდგენილი ქ. თბილისის მერიის ტრანსპორტის საქალაქო სამსახურის სახით) მითითებული ტერიტორია (ადგილი) ქ. თბილისის ფარგლებში.

**4. შესყიდვის ობიექტის ხარისხი**

4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

4.2 ექსპლუატაციის საგარანტიო ვადა არანაკლები 3 წელი.

**5. ხელშეკრულების შესრულების კონტროლი (ინსპექტირება)**

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4 ამ მუხლის არც ერთი პუნქტი არ ათავისუფლებს მიმწოდებელს მოცემული ხელშეკრულების სხვა ვალდებულებებისაგან.

5.5 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქ. თბილისის მერიის ტრანსპორტის საქალაქო სამსახურის თანამშრომლები.

## **6. შესყიდვის ობიექტის მიღება-ჩაბარების წესი**

6.1 შესყიდვის ობიექტის მიღება-ჩაბარება განხორციელდება *ეტაპობრივად*, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-5 მუხლის 5.5 პუნქტში მითითებული პირები).

6.2 ფასების ცხრილით განსაზღვრული რაოდენობები შესაძლებელია შეიცვალოს, რაზეც გაფორმდება შესაბამისი მიღება-ჩაბარების აქტი.

6.3 მიღება-ჩაბარების აქტების გაფორმების პარალელურად, მიმწოდებელი ვალდებულია წარმოუდგინოს შემსყიდველს შესაბამისი საგადასახადო დოკუმენტაცია (მოქმედი კანონმდებლობის შესაბამისად).

## **7. ანგარიშსწორება და ანგარიშსწორების ვალუტა**

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება 2014 წლის თბილისის ბიუჯეტის სახსრებით, ეტაპობრივად, მიღება-ჩაბარების აქტის გაფორმებიდან არაუგვიანეს 30 (ოცდაათი) კალენდარული დღის განმავლობაში.

7.3 წინასწარი ანგარიშსწორება (ავანსი) არ გამოიყენება.

## **8. ხელშეკრულების პირობების შეუსრულებლობა**

*(საჯარიმო სანქციები, ფორმა, ოდენობა, და გადახდის ვადები)*

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობის, არაჯეროვნად შესრულების ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 შემსყიდველის მიერ მიწოდებული კონკრეტული გეგმა-გრაფიკის 1-დან 10 კალენდარულ დღემდე ვადით დარღვევის შემთხვევაში, მიმწოდებელს დაეკისრება პირგასამტეხლოს გადახდა – ყოველ ვადაგადაცილებულ დღეზე გეგმა-გრაფიკით გათვალისწინებული მისაწოდებელი საქონლის (თანმდევით მომსახურებით) ღირებულების 0.25%-ის ოდენობით, კონკრეტული გეგმა-გრაფიკის 10-დან 20 კალენდარულ დღემდე ვადით დარღვევის შემთხვევაში, მიმწოდებელს დაეკისრება პირგასამტეხლოს გადახდა – ყოველ ვადაგადაცილებულ დღეზე გეგმა-გრაფიკით გათვალისწინებული კონკრეტული მისაწოდებელი საქონლის (თანმდევით მომსახურებით) ღირებულების 0.5%-ის ოდენობით, ხოლო კონკრეტული გეგმა-გრაფიკის 20 კალენდარულ დღეზე მეტი ვადით დარღვევის შემთხვევაში, მიმწოდებელს დაეკისრება პირგასამტეხლოს გადახდა – ყოველ ვადაგადაცილებულ დღეზე გეგმა-გრაფიკით გათვალისწინებული მისაწოდებელი საქონლის (თანმდევით მომსახურებით) ღირებულების 0.7%-ის ოდენობით,

8.3 კონკრეტული გეგმა-გრაფიკის 20 კალენდარულ დღეზე მეტი ვადით ვადაგადაცილების ან/და ხელშეკრულების შეწყვეტის შემთხვევაში მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა *(გამოყენების შემთხვევაში)*.

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვეში.

8.5 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

8.6. თუ შემსყიდველი არ ასრულებს წინამდებარე ხელშეკრულების მე-7 პუნქტის მოთხოვნებს, დაეკისრება პირგასამტეხლო, ჩასარიცხი თანხის 0,1%-ის ოდენობით, ყოველ ვადაგადაცილებულ დღეზე.

## 9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ აგრეთვე:

ა) კონკრეტული გეგმა-გრაფიკის 20 კალენდარულ დღეზე მეტი ვადით გადაცილების ან გეგმა-გრაფიკის ორჯერ დარღვევის შემთხვევაში;

ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში.

9.6 ამ მუხლის მე-5 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის (თანმდევი მომსახურებით) ღირებულება.

## 10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

### **11. ხელშეკრულებაში ცვლილებების შეტანა**

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

### **12. უფლებების გადაცემა**

12.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

12.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

12.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

### **13. ფასები**

13.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

13.2 მხარეთა შეთანხმებით დასაშვებია ხელშეკრულების ღირებულების შეცვლა.

13.3 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

13.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

### **14. ურთიერთობა ხელშეკრულების დამდებ მხარეებს შორის**

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

14.2 შეტყობინება შედის ძალაში ადრესატის მიერ მისი მიღების დღეს.

## 15. სადაო საკითხების გადაწყვეტა

15.1 ხელშეკრულების დამდები მხარეები თანხმდებიან მასზედ, რომ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ, შესაძლებელია გადაწყდეს მხარეთა გონივრული შეთანხმებით ან/და მოგვარდეს პირდაპირი არაოფიციალური მოლაპარაკებების მეშვეობით სამართლიანობის ფარგლებში.

15.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს

15.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს

15.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

## 16. სხვა პირობები

16.1. ამ ხელშეკრულებით გათვალისწინებული პირობები რეგულირდება საქართველოს კანონმდებლობით.

16.2. ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

## 17 მხარეთა იურიდიული რეკვიზიტები

შემსყიდველი:

მიმწოდებელი

ინფორმაცია პრეტენდენტის  
გამოცდილების შესახებ

პრეტენდენტის დასახელება -----

| #  | დასახელება | შემსყიდველის<br>დასახელება | ხელშეკრულების<br>ღირებულება | დაწყება-<br>დასრულების<br>თარიღი |
|----|------------|----------------------------|-----------------------------|----------------------------------|
| 1. |            |                            |                             |                                  |
| 2. |            |                            |                             |                                  |
| 3. |            |                            |                             |                                  |
| N. |            |                            |                             |                                  |

შენიშვნა:

პრეტენდენტს 2011 წლის 1 იანვრიდან უნდა გააჩნდეს არანაკლებ 100 000 (ასი ათასი) ლარის ღირებულების ანალოგიური საქონლის მიწოდება-მონტაჟის გამოცდილება, რომელიც ინფორმაციის სახით მოცემული უნდა იყოს დანართი #1-ით გათვალისწინებულ ცხრილში. აღნიშნული, შესაბამის დამადასტურებელ დოკუმენტაციასთან (ხელშეკრულებ(ებ)ი, მიღება-ჩაბარების აქტ(ებ)ი), ერთად ატვირთული უნდა იქნას ერთიან ელექტრონულ სისტემაში ტექნიკურ დოკუმენტაციასთან ერთად.

ხელმოწერა \_\_\_\_\_

ბ.ა

ხელშეკრულების შესრულების საგარანტიო უზრუნველყოფა  
(საბანკო გარანტია)

ვის: \_\_\_\_\_

\_\_\_\_\_

(შემსყიდველის დასახელება)

მხედველობაში ვიღებთ რა, რომ

\_\_\_\_\_

\_\_\_\_\_

(მიმწოდებლის დასახელება)

შემდგომში „მიმწოდებელმა“ \_\_\_\_\_ ტენდერში წარდგენილი  
თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია  
მასზე დაკისრებული ვალდებულებების შესრულების გარანტიის სახით ხელშეკრულებაში  
მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული  
გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს  
წინაშე მიმწოდებლის სახელით საერთო თანხაზე:

\_\_\_\_\_

\_\_\_\_\_

(თანხა ციფრობრივად, სიტყვიერად, ვალუტის მითითებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების  
პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია \_\_\_\_\_

გარანტების ხელმოწერა და ბეჭედი

\_\_\_\_\_

\_\_\_\_\_

(თარიღი)

\_\_\_\_\_

(მისამართი)

\_\_\_\_\_

ფასების ცხრილი

პრეტენდენტის დასახელება \_\_\_\_\_

| № | დასახელება                                       | განზომილება | რაოდენობა | ერთეულის ფასი<br>(ლარი) | საერთო ღირებულება<br>(ლარი) |
|---|--------------------------------------------------|-------------|-----------|-------------------------|-----------------------------|
| 1 | ხელოვნური უსწორმასწორობის შუა<br>ნაწილი          | გრძ/მ       | 4 700     |                         |                             |
| 2 | ხელოვნური უსწორმასწორობის<br>დაბოლოება           | გრძ/მ       | 200       |                         |                             |
| 3 | ხელოვნური უსწორმასწორობის შუა<br>ნაწილის მონტაჟი | გრძ/მ       | 4 700     |                         |                             |
| 4 | ხელოვნური უსწორმასწორობის<br>დაბოლოების მონტაჟი  | გრძ/მ       | 200       |                         |                             |
| 5 | არსებული ხელოვნური<br>უსწორმასწორობის მონტაჟი    | გრძ/მ       | 650       |                         |                             |
|   | <b>სულ ჯამი:</b>                                 |             |           |                         |                             |

ხელმოწერა \_\_\_\_\_ ბ.ა